

19.2 Nú veldur skip skemmdum í höfninni eða skipstjóri verður brotlegur við ákvæði reglugerðar þessarar og er þá óheimilt að flytja skipið úr höfninni áður en málið er útkljáð, nema fullnægjandi trygging sé sett fyrir greiðslu að dómi hafnarstjóra. Bótakröfum hafnarsjóðs fylgir lögtaksréttur sbr. 38. gr. hafnalaga.

20. gr.

*Brot, sektarákvæði og meðferð mála.*

- 20.1 Brot gegn reglugerð þessari varða sektum nema þyngri refsing liggji við samkvæmt almennum lögum. Sektirnar renna í hafnarsjóð Gardabæjar. Til tryggingar sektum og vangoldnum gjöldum má leita kyrrsetningar sbr. 39. gr. hafnalaga.
- 20.2 Með mál út af brotum á reglugerð þessari skal fara að hætti opinberra mála. Reglugerð þessi, sem sett er samkvæmt hafnalögum nr. 69, 28. maí 1984, staðfestist hér með til að öðlast þegar gildi og birtast til eftirbreytni öllum þeim sem hlut eiga að máli.

*Samgönguráðuneytið, 29. september 1989.*

**Steingrímur J. Sigfússon.**

*Helgi Jóhannesson.*

## **GJALDSKRÁ**

### **fyrir boðkerfisnotendur.**

Söluskattur ekki innifalinn.

Í boðkerfinu er afgreidd sjálfvirk boðköll til tón- og talnaboðtækja, auk ýmissar sérþjónustu.

Fyrir þessa þjónustu greiðist stofngjald, afnotagjald og viðskiptagjald.

#### *1. Boðkallsþjónusta.*

- 1.1 Stofngjald er greitt fyrir hvert boðkallsnúmer, og greiðist það við úthlutun boðkallsnúmersins.
- 1.1.1 Stofngjald fyrir tónboðtæki: kr. 5 000,00.
- 1.1.2 Stofngjald fyrir talnaboðtæki: kr. 6 000,00.
- 1.2 Afnotagjald (ársfjórðungsgjald) greiðist fyrirfram fyrir hvert boðkallsnúmer. Verði almenn hækkun afnotagjalds leyfð frá tilteknum degi, skulu þeir sem greitt höfðu fyrirfram greiða hækkunina með síðari afnotagjaldsreikningi.
- 1.2.1 Ársfjórðungsgjald fyrir tónboðtæki: kr. 800,00.
- 1.2.2 Ársfjórðungsgjald fyrir talnaboðtæki: kr. 1 000,00.
- 1.3 Viðtökugjald er kr. 4 330,00 enda ber nýi boðkerfisnotandinn ábyrgð á ógreiddum áföllnum skuldum. Innifalið í gjaldinu eru breytingar á boðkallsnúmeri, sé þess óskað.
- 1.4 Skráningargjald fyrir breytt boðkallsnúmer er kr. 1 000,00.
- 1.5 Skráningargjald fyrir breytingar, kr. 500,00 greiðist í hvert sinn sem beðið er um eina eða fleiri breytingar á boðtækisnúmeri, aðgangsnúmeri og einstökum boðtækisnúmerum í hópalli.
- Metið er hverju sinni hvort hægt sé að verða við óskum um breytingar.
- 1.6 Viðskiptagjald fyrir boðkall er skrefagjald, kr. 2,40 fyrir hvert skref. Við svar frá boðstöð reiknast eitt skref, en síðan kemur skref innan næstu 12 sek. og á 12 sek. fresti eftir það.

**Endurprentað blað.**

## 2. Sérþjónusta í boðkallskerfinu.

2.1 Boðkerfisnotendum gefst kostur á að leigja svokölluð talhólf, sem geymslu fyrir töluð skilaboð. Hver skilaboð geta verið allt að 15 sek. löng, og rými er fyrir 6 skilaboð í hverju talhólfi. Skilaboðum er eytt sjálfkrafa eftir 24 stundir, hafi réttthafi talhólfsins ekki sjálfur eytt þeim áður.

Hægt er að senda boðkall í hvert skipti sem hringt er í talhólfsnúmerið, og gera réttthafa talhólfsins þannig viðvart þegar skilaboð til hans berast í talhólfið. Hlustað er á skilaboðin með því að hringja í talhólfsnúmerið (með tónvalsíma) og velja aðgangsnúmer.

2.1.1 Stofngjald fyrir talhólfsnúmer með aðgangsnúmeri: kr. 5 000,00.

2.1.2 Ársfjórðungsgjald fyrir talhólfsnúmer: kr. 1 000,00.

2.1.3 Viðskiptagjald fyrir talhólf er skrefagjald, kr. 2,40 fyrir hvert skref. Við svar frá boðstöð reiknast eitt skref, en síðan kemur skref innan næstu 12 sek. og á 12 sek. fresti eftir það.

2.2 Réttthafi talhólfsins getur, gegn greiðslu aukagjalds og með því að nota tónvalsíma, lesið inn eigið kynningarsvar – allt að 15 sek. langt. Kynningarsvarið er geymt, þar til réttthafi eyðir því eða les inn nýtt kynningarsvar. Allir, sem hringja í talhólfsnúmerið, heyrja kynningarsvarið.

2.2.1 Stofngjald fyrir eigið kynningarsvar: kr. 2 500,00.

2.2.2 Ársfjórðungsgjald: kr. 250,00.

2.3 Endurtekning boðkalls. Til þess að tryggja enn betur að boðkall greinist í boðtæki er hægt að endurtaka það sjálfvirkt (venjulega innan nokkurra sek.).

2.3.1 Stofngjald: kr. 1 000,00.

2.3.2 Ársfjórðungsgjald: kr. 100,00.

2.4 Hópkall: Hægt er að senda boðkall til allt að 10 boðtækja í einu, með því að hringja í svokallað hópkallsnúmer. Þegar hringt er í hópkallsnúmerið eru öll boðtækin í hópnum kölluð upp í röð, á sjálfvirkan hátt. Boðtækin í hópnum hafa einnig eigið boðkallsnúmer, sem notuð eru ef koma á boðum til einstakra tækja í hópnum. Öll boðtæki innan hvers hóps verða að vera eins, þ.e. annað hvort öll tónboðtæki, eða öll talnaboðtæki.

2.4.1 Stofngjald fyrir hópkallsnúmer: kr. 10 000,00.

2.4.2 Stofngjald fyrir hópkallsnúmer, sé samtímis greitt stofngjald fyrir öll boðtækisnúmerin í hópnum: kr. 5 000,00.

2.4.3 Ársfjórðungsgjald fyrir hópkall: kr. 1 200,00.

2.4.4 Viðskiptagjald fyrir hópkall er skrefagjald, kr. 2,40 fyrir hvert skref. Við svar frá boðstöð reiknast eitt skref, en síðan kemur skref innan næstu 12 sek. og á 12 sek. fresti eftir það.

Áskilinn er réttur til þess að hafna ósk um hópkall að einhverju eða öllu leyti.

Nánari reglur um hópkall, svo og reglur og gjaldskrá fyrir hópa með meira en 10 boðtæki verður birt síðar.

Gjaldskrá þessi er sett samkvæmt 9. gr. laga nr. 73 frá 1984 um fjarskipti, svo og samkvæmt 11. gr. laga nr. 36 frá 1977 um stjórn og starfrækstlu póst- og símamála með áorðnum breytingum sbr. 8. gr. laga nr. 34 frá 1987 og tekur gildi 1. nóvember 1989.

*Samgönguráðuneytið, 11. október 1989.*

**Steingrímur J. Sigfússon.**

*Halldór S. Kristjánsson.*